

عقيل سوار



خميس وجمعة
أفا يا عبيد

حقوق الطبع محفوظة

الطبعة الأولى

فبراير 2010م

رقم الناشر الدولي

ISBN 978-99958-0-092-5

رقم الإيداع بإدارة المكتبات العامة

د . ع 8074 / 2010م



تصميم الغلاف
عبدالله يوسف

الإخراج الفني
موسى حسن

التنفيذ
نوال عبدالله

«خميس وجمعة»

مسرحية من فصل واحد

عقيل سوار

خميس و جمعة مسرحية من فصل واحد

ملامح الشخصيات :

جمعة : مختار قرية طاعن في السن، معتد برأيه، عنود .
زينة : ابنة جمعة في العشرينات من عمرها ، ضخمة البنية، متخلفة عقلياً.
سرور : خادم جمعة.
خميس : شقيق جمعة .. مختار قرية مجاورة لقرية جمعة .. طاعن في السن ..
ضئيل الجسم .. عصبي المزاج عنود..
حبل : ابن خميس .. في العشرينات متخلف عقلياً.

الديكور

صالة منزل خليجي من منازل الأربعينات ، تطل عليها مجموعة من أبواب الغرف
وقد فرش جانباً منها بالفرش والمساند.

ملاحظة :

نفذت هذه المسرحية لأول مرة في البحرين عام 89 لمصلحة مسرح أوال .. أخرجها
إبراهيم خلفان .. جسد أدوار شخصياتها :
عبد الله يوسف .
إبراهيم بحر .
عبد النبي حميد .
امينه حسن .
سالم رجب .

(المشهد الأول)

جمعة - صاحب البيت - يذرع الصالة جيئة وذهاباً بقلق واضح وهو لا ينفك عن فرك مسباحه بين كفيه إلا حين يسمع أي صوت عند الباب، إذ ذاك يتوقف متوثباً ثم ما يلبث أن يعود إلى سيرته الأولى بعد أن يتأكد أن لا أحد في الباب. بعد حين يدخل خادمه سرور منكسراً.

جمعة : ها بشرني ؟

سرور : (يهز رأسه نقياً) المندوب يقول مايكفون !

جمعة : ليش كم للبنك عندنا .. عشرين ألف روبية أو عشرين مليون (متهكماً)
الزريبة والدالية ما يكفون ؟

سرور : (متنهداً) والدولاب والمزرعة !

جمعة : الدولاب والمزرعة .. قول غير هالكلام !

سرور : هذا كلام المندوب، عمي .. يقول لك هالأيام الأراضي نازلة أسعارها .. وحسبها .. قال ما يكفون !

جمعة : أخاف مندوبهم غلطان .. متأكد أنت ؟ .. الدالية بروحها مطرد خيل ؟

سرور : قايستهم معاه وحسبهم لي بالقدم .. ما يكفون عمي !

جمعة : لاحول ولا قوة .. تدري ياسرور إيش يعني هذا .. المزرعة لقمة عيشنا منها .. يعني بنموت جوع إذا باعوها !

سرور : ياليت على جذيه بس .. !!

جمعة : إيش قصدك ؟

سرور : أقول لك ما يكفون !

جمعة : يعني ؟

سرور : البيت ... البيت يقول المندوب لازم يبيعونه وبالله، يا الله !

جمعة : (يدور في أرجاء المكان كالمصعوق وهو يفرك مسباحه .. مردداً) لا إلا هذه،

الموت أهون .. إلا هذه ، الموت أهون .. يطلعوننا من البيت يشمتون فينا أهل شرق ..
الموت أهون .. الموت أهون .. يا سرور الموت أهون ، من شماتة أهل شرق .. (يرتمي
على الأرض محبطاً) .

سرور : (يسعفه) هونها .. هونها عمي وتهون .. كل شيء يتعوض .

جمعة : يتعوض كيف ..؟ من أين ..؟ بعدين إن شاء الله ما تعوض مو مهم .. الله
ما يضيع .. لكن البيت لا .. شماتة أهل شرق لا .. الموت أهون .. الموت أهون !
سرور : اخذ الشيطان عنك عمي .. لا بد فيه حل .

جمعة : ما فيه .. تتسلف .. ؟ إحنه ما خزيقنه غير السلف .. لكن ما أقول إلا
حسبي الله على أهل شرق .. الله ينتقم منهم حسبي الله عليهم سووها واستوت !
سرور : صلّ على النبي عمي .. أهل شرق إيش ذنبهم ؟

جمعة : (بانفعال مرضي) إلا إيش ذنبهم .. هم ساس البلى .. هم اللي واقفين
لنا وقفة على العين .. إيش اللي خله الزرع يموت .. إيش خله الأرض تنشف وخسرنا
محصول موسم كامل .. موكل سنة الأرض تغرقنا بخيراتنا؟ حسبي الله عليهم ..
حسبي الله عليهم .. السنة الماضية المزرعة بروحها غلتها مقدار خمسين ألف ..
السنة وقفوا لنا وقفة !

سرور : على طاري غلة العام الماضي عمي الفلوس اللي ..

جمعة : (مقاطعاً بعصبية) لاتسأل ألف مرة قايل لك لا تحيب سيرة لهذا
الموضوع .

سرور : بس عمي إحنه الحين في حالة .. فأقول يعني إذا (مشدداً) مسلفها لأحد
ومستحي .. أنا أقول يعني ...

جمعة : (مقاطعاً يتململ) لا تقول لي ولا أقول لك .. فلوسي و أسوي فيها اللي
أبي ..

سرور : ما من شك .. عمي .. بس وين راحت ؟

جمعة : (صارخاً) لعبت بها قمار زين !

سرور : (متهكماً) غريب أمرك عمي أنت .. أكثر من ثلاثين ألف روبية كانت

عندك قبل ستة أشهر فجأة اختفت ... وين راحت ؟
جمعة : (منفجراً) قلت لك انس الموضوع .. لاتحجب له سيرة بالمره .. اتكلم معاك
سواحلي أنا !
سرور : مسامحة عمي أنا كل قصدي إنك إذا (مشدداً) مسلفهم لأحد و مستحي
منه أنا اسمي عبد ما ينشره علي و...
جمعة : والأخير معاك .. لا تخليني أغلط عليك! ... أنت تدري أشكر أعزك
وأعتبرك ذراعي اليمين لكن والله ثم والله .. لو ذراعي هذه (يشير ليدته) تنطق
وتقول ليش ولمن عطيت الفلوس قطعتها ورميتها في السماده !

(يقرع الباب)

جمعة : (أمراً بحسم) شوف من في الباب.
سرور : (مستسلماً) الظاهر وصل المندوب .. ليش ما تدخل حجرتك عمي
وتخليني أتفاهم معاه .. أنت أعصابك فلتانه .. كلمتين وبتعصب عليه والريال ماله
ذنوب .. مثلي عبد مأمور مأمور و...
جمعة : (حاسماً بنفس الوتيرة العصبية) دخله !.
سرور : (يذهب ليفتح الباب مستسلماً وتطول فترة غيابه بعض الشيء).
جمعة : حسبي الله حسبي الله عليكم يا أهل شرق سويتها واستوت (بعد أن
استبظأه) أينه هذا .. أينك يا سرور .. سروره .. سرور .
سرور : (يعود بأنفاس متصاعدة وهو يحمل كيساً ورقياً مصفداً)
جمعة : أين وليت أنت .. عرقك يهطل كأنك جاي ركض ؟
سرور : (مرتبكاً) سلامتك عمي كنت عند الباب .
جمعة : أينه الريال ؟
سرور : راح ترك هذه عند عند الباب وراح (يسلمه الكيس).
جمع : (يفتح الكيس - متفاجئاً) فلوس !

(يعدّها بسرعة) مقدار عشرين ألف روبية! ناده بسرعة .. إيش قصده .. ببي يكص
عليه ناده بسرعة !
سرور : أناذي من عمي ؟
جمعة : المندوب .
سرور : ما كان المندوب .. كان شخص ثاني .
جمعة : شخص ثاني .. من هالشخص ؟
سرور : ما أدري لمحتّه من بعيد .. مالحت عليه راح .
جمعة : عجيبة إحنه في حلم أو علم .. هذه ما تقل عن عشرين ألف! (بفرح طفلي)
ما قلت لك .. ما قلت لك ياسرور الله ما يضيع .. ماقلت لك الله ما يضيع !!

(إِظلام)

(المشهد الثاني)

* بعد حوالي شهر..

الصالة خالية .. فيما نسمع صراخ سرور يمهّد لدخوله راكضاً وزينة تضربه بكلتا يديها (بالصفين) مرددة منذ دخولها.

زينة: حتى أنت .. حتى أنت .. حتى أنت !

سرور: (يقع على الأرض).

زينة: (تجثم عليه مواصلة ضربه) حتى أنت ، حتى أنت ...!

سرور : (يردد منذ دخوله) صديقي عمتي .. صديقي عمتي ..

زينة : حتى أنت .. حتى أنت ! (تعضه) أين كنت أمس طول اليوم قول لي ..؟
أبوي مو قايل لك ما تهدني بروحي .. أتواحش بدون ريال .

سرور : صديقي عمتي طول اليوم في الزراعة .. صديقي عمتي ولهت عليك !

زينة: (بفرح أهبّل) صحيح .. أحلف ؟

سرور : و حياة ربي الفوقي كنت في المزرعة.

زينة: لا..لا.. صحيح ولهت علي؟

سرور : إيه عمتي صديقي .

زينة: (تنهضه وتنظف ملابسه) إذن ليش ما قلت لي من أول ..بعدين إذا ولهت علي ليش تاركني و رايح الزراعة .. أنت تدري إني ما أطيق الجلسة بروحي و لا أحد غيرك يواطني .

سرور : إيش أسوي عمتي أبوك يقول الشغل أهم .

زينة: أهم مني ؟ أبوي يقول جذيه؟ وبنه أوباه (أبي .. هكذا تلفظها) أوباه .. أوباه..

جمعة: (يخرج من غرفته حاملاً بندقيّة) أينهم .. من أين هاجمين قول لهم عندنا سلاح نسيل دمهم للبلعوم؟

سرور : تسيل دم من للبلعوم عمي؟

جمعة: أهل شرق من غيرهم .. إينهم .. إينهم .. من أي جهة هاجمين ؟

سرور : صل على النبي عمي ما أحد هاجم علينا لا أهل شرق ولا أهل غرب !

جمعة : إذن إيش عليه هالصراخ ؟

سرور : (مشيراً لزينة) الحريقة !

جمعة : (متوثباً) حريقة، إين الحريقة.. إين الحريقة ؟

سرور : قصدي عمي .. قصدي ..

زينة : (مشيرة إلى قلبها) إهنيه الحريقة .. أنت قايل لسرور الشغل أهم مني ؟

جمعة : معلوم .. قصدي يا بنيتي تونا طالع من ورطة والزراعة تبي عناية علشان نعوض خسارة السنة اللي راحت ونرد الدين لأهله وما عندي غير سرور أعتمد عليه...

زينة : إي دين .. تكص علي؟ سرور يقول الفلوس (جاتك من واحد ولد حلال، ما يببها !

جمعة : أشهد إنه ولد حلال .. لكن ما فيه هالأيام أحد يقط فلوس جديه .. مصيره يرجع يسأل عنها .. فلازم يا بنيتي نتحزم للواوي حزام سبع .

زينة : حزام سبع .. حزام ثمان موشغلي .. سرور لي .. تبي تشغله في زراعتك عرسني !

جمعة : صار .. صار يا بنيتي .. مرة ثانية .. (إن شاء الله ما ...)

زينة : صحيح أوباه؟

جمعة : إيه مرة ثانية ما...

زينة : متى أوباه؟

جمعة : متي شنو؟

زينة : متى بتعرسني؟

جمعة : قصدي مرة ثانية ما آخذ سرور عنك ؟

زينة : (متخصصة) يعني ما بتعرسني؟

جمعة : معلوم بعركك يا بنيتي .

زينة : (بفرح) متى ..؟ أوباه متى ؟

جمعة: (متصابراً) متى ما جاء الفرج !
زينة: (تدور حول نفسها حاملة) فرج .. فرج .. أخيراً .. عمري فرج .. متى بيحي
أوباه؟

جمعة: من؟!!

زينة: فرج ؟

جمعة: يا بنيتي .. قصدي العرس قسمة ونصيب ومتى ما جاء نصيبك ...
زينة: (تدور حول نفسها حاملة) عمري نصيب .. هذا اسمه أحلى أوباه ليش
اسمائهم لك عليها .. فرج نصيب .. كفايه اللي طايح في جبدنه (مشيرة لسرور)!
جمعة: لا حول ولا قوة .. إيش أقول لها .. يا بنيتي قصدي ...
(في هذه اللحظة يقرع الباب بعنف يتوثب لشدته الجميع) .

جمعة : يا الله صباح الخير .. اللهم اجعله (خير قلبي يقول لي هالصباحية
مابتعدي على خير (لسرور وهو يأخذ وضع المحارب ويصوب البندقية في اتجاه
الباب) شوف من في الباب ؟
سرور: (يتجه ليفتح الباب متوجساً .. قبل أن يعود أدراجه مهزولاً ليقول معظماً
بما يشبه الهمس) عمي أهل شرق!

جمعة : (متوثباً) أهل شرق؟ إيش بيون، قول لهم عندنا تفك أن ما راحوا سيلنا
دمائهم للبلعوم .. كم واحد هم .. عندهم سلاح؟
سرور: سلامتك عمي الظاهر جاين هالمرة جية خير .

جمعة: أهل شرق؟ أهل شرق ماورائهم خير إيش بيون .. إيش بيون؟
سرور: يقولون جاين يخطبون !

جمعة: قول لهم يولون بسرعة ما عندنه بنات للعرس !
سرور: (يشرع في الركض فتمسك زينة بثوبة من خلف رقبتة ليواصل ركضه
مراوحاً مكانه) .

زينة: أوباه يقول لك جاين يخطبون .. يقول لهم ما عندنا بنات للعرس؟
جمعة: إيه ما عندنا بنات للعرس .

زينة: (متوعدة) أوباه راجع نفسك ؟
 جمعة: خليفهم يولون ما عندنا بنات ...
 زينة: وهاللي قدامك، مو مالية عينك .. مو بنية؟
 جمعة: (مستدركاً) شيخة البنات.. لكن أهل شرق عاد؟
 زينة: (تطلق سرور ليقع على الأرض) أهل شرق .. أهل غرب .. كيف يقول لهم ما عندنا بنات ؟ إذا قال جذبه لأهل شرق خبروا أهل شمال وأهل شمال خبروا أهل جنوب وأهل جنوب و...
 جمعة: يبه... يبه .. اسمعيني العرس قسمه ونصيب .. وصديقني لك نصيب زين غرب .. مو أهل شرق .. أهل شرق عاد ؟
 زينة: (ترفع أكمام ثوبها متوعدة) أهل شرق أهل شمال ناس جاين يخطبون ولازم يدخلون .. خلنه نشوف نصيب شرق الحين .. لا حقين على نصيب غرب!
 جمعة: (متراجعاً) هوني .. هوني يابنيتي .. يدخلون .. (لنفسه) يمكن إذا شافوك يهونون .. أهل شرق عاد !
 زينة: (لسرور) خلهم يتفضلون أنا بروح أبدل ملابسي وأرجع لا يكون يطلعون قبل ما أشوفهم (للأب) أنت بعد بدل هالخمام اللي عليك لا تفشلنه مع أهل شرق .. من عذر ما يواطنونا (تدخل حجرتها).
 جمعة: (وهو يدخل حجرتها) لاحول ولا قوة .. أهل شرق عاد !
 سرور : (يتقدم خميس وابنه حبيب) حياكم زارتنا البركة تفضلوا ..
 خميس: (يجول ببصره في أرجاء المكان متفحصاً بترفع) وين عمك؟
 سرور : يمكن يصلي عمي، الحين بيحك استريح .
 جمعة: أي صلاة الحين؟ الفجر؟ ساعتين من طلعت الشمس.. لكن أنتو أهل غرب كله واحد عندكم بعدين إشله التعب صلاتكم أصلاً مو مقبولة (لابنه) سمعت هذي اللي ماكل جبدي تبيني أناسبهم، صلاة الفجر يركونها الضحى !
 زينة : (تدخل متفحصه حبيب أولاً ثم الأب) على طاري الركعة .. عندنا غرب حالة الثوب ركعته منه وفيه .

جمعة : عندنا غرب نفس الشيء .

زينة : عيل ليش أبوك (مشيرة لحبيل) ثوبه تركال وركعته رول كول ؟
سرور : (يسحبها جانباً) هذا الأبو ذاك الولد .. بعدين الركعة غير الرجعة الله يهداك لا ...

زينة : تكص علي .. (تذهب إلى حبيل) أنت ولد هذا ؟

حبيل : إيه أنا ولد أبوي ؟

زينة : عندنا غرب الأبو عود .. الولد صغير .. عندكم يولدون الأبو قبل الولد !

حبيل : (مستخفاً) اسمع أوباه شتقول .. صبح ما يفهمون أهل غرب .

جمعة : فهمها أبوي فهمها هذي بتصير مرتك أم عيالك .

حبيل : على طاري العيال ، أبوي ، إذا تزاردنا على العين لعيال مع من يصيرون ،
مع أهل شرق لو مع أهل غرب .

جمعة : أي عيال .

حبيل : عيالي ما بجيب عيال ؟

جمعة : بيحبون لك عيال بله .

حبيل : مع من بيصيرون ؟

جمعة : أنت عرس أول خلته نشوف هالعيال إشي بيطلعون ..

حبيل : مثل عيال الناس غير .. مع من يصيرون ؟

جمعة : عيالك معاك دائماً كم مرة أفهمك أبوي (جانباً) جان عيالك مثلك خله
يصيرون معاهم ؟

حبيل : وعيالها .

جمعة : عيل من ؟

حبيل : عيال مرتي .. ما بتجيب عيال .

جمعة : عيال مرتك هم عيالك .. ألف مرة مفهمك أبوي !

حبيل : (يهرش رأسه) عيل ليش عيال المبروكة نصفهم عيالها ونصفهم عيال
مبروك ؟

خميس: (نافذ الصبر) لأن مبروكه بقرة .. ومبروك ثور الحياوين عندهم كل شيء
حلال فهمت ...

حبيل: فهمت، فهمت .

جمعة: وعلى ذكر الحلال والحرام تباعد عنها تباعد عنها، عندنه شرق عيب
الريال يلصك في الحرمة جدام الناس .. ما فهمتكم من قبل؟

حبيل: عيل مبروك ومبروكه ...

جمعة: (نافذ الصبر) حياوين قلنه .. حياوين ، كم مرة أقول لك ؟

حبيل: ايه .. بس تصدق أبوي؟

جمعة: اصدق شنو؟

حبيل: تصدق الحياوين أفهم منه؟

جمعة: يتنحج وين حمامكم؟ (لحبيل جانباً) خذ عقل لبنية .. مثل ما فهمتكم
إشوي إشوي ... تلحج أكبر من جذيه ما بتصير !

حبيل: اعتمد أبوي .. اعتمد !

سرور: (يسحبه) حياك عمي حياك .

جمعة: إشوي إشوي علي .. علامك مستعجل كأنك بتوديني الجنة .. بغيت
الحمام .. (يخرجان).

زينه: (لفتح حوار) صج وناسة اليوم؟

حبيل: إيه الجوزين الشمس طالعة اليوم وأمس .

زينه: أمس بعد الشمس طالعة عندكم؟

حبيل: إيه أمس وأول أمس بعد.

زينه: وناسه .. إحنه شمسنا تطلع يوم ويوم .. بس القمر .. ولا يغيب عندنه !

حبيل: احنه يجينه ساعات شرق ..

زينه: ساعات؟ متى يجيكم وهو كله عندنه غرب؟

حبيل: قمرنا غير .. مربع إشحلاته مثل الدحروي !

زينه: دحاريكم مربعة !

حبيل : عيل إشلون تفتر ؟
زينة : دحارينه مثل التيلة .. تعرف تلعب تيله ؟
حبيل : التيلة عيب عندنه ... نلعب لكفة .. تلعبين معاي لقفة ؟
زينة : اللكفة ما نعرفها .. نلعب صميده .. تحي نلعب صميده .. ؟
حبيل : ما نعرفها غرب ..
زينة : أعلمك .. نضيع وقت .
حبيل : نضيع وقت ؟ أبوي ما يرضه .. ما يرضي أضيع وقت .. جاييني يعرسني ..
تعرسين علي ؟
زينة : (بعد تفكير) ل .. أنت عود وايد .. أبي واحد على كدي .. كد سرور ...
تلعب صميده ؟
حبيل : أخاف أبوي يستحمق علي !
زينة : أصغر منك تخاف منه ؟
حبيل : لين يستحمق يصير عود ...
زينة : أكبر منك ؟
حبيل : لا .. كدي بس أنا أصير صغير .. هو يكبر أنه أصغر .. هو يكبر أنه أصغر ..
هو يكبر أنه أصغر !
زينة : وناسه ... خلنه نحمله !
حبيل : ليش ؟
زينة : حتى يكبر .. وأنت تصير صغير كدي ونعرس .
حبيل : (يتلفت يمنة ويسرة) إشلون نحمله ؟
زينة : نلعب صميده .. إنخش إنخش بسرعة وأنا بدورك ! (يختفي خلف العمود) .
زينة : (بعد بحث شكلي سريع تعثر عليه) صدتك يا العيار (يضحكان) .
حبيل : وبعدين .
زينة : خلصت اللعبة .. خل نعرس !

حبيل : لا..لا.. ما استانسنه، نلعب لكفة؟
 زينة: ما أعرفها قلت لك ؟
 حبيل : أعلمك (يظلان مكانهما يلعبان اللقفة).
 جمعة : (يخرج يعقبه سرور حاملاً له الفوطة .. فيشمها ويلقي بها متقززاً) وين
 عمك ليلحين ما خلص صلاته .
 سرور: جايك جايك عمي استريح .
 خميس: (يدخل متنحنحاً).
 جمعة : (يتنحج وهو يتشاغل بلبس نعليه) .
 خميس: (يتنحج ويشيح بوجهه جانباً) .
 جمعة: (متشاغلاً بتعديل عقاله) نعم .. أمروا ؟
 خميس : أولاً السلام على وجه الله خلوا عندكم درابه يا أهل غرب !
 جمعة: السلام منكم .. سمعنا مرارة الطريق يبدون السلام .. لوعندكم غير
 أهل شرق؟
 خميس : عندنا الواقف يسلم على الجالس والماشي يسلم على الواقف مثل ما
 قال نبينا صلى الله عليه وآله وسلم .. أو نبيكم غير ..أهل غرب؟!
 جمعة: هذا في الطريق .. في القهوة .. لكن عندنه اللي يدش بيوت الناس هو
 يبدأ بالسلام !
 خميس : قلتها بلسانك .. بيوت الناس إين الناس (لحبيل) تشوف أبوي ناس
 قدامك .. الناس عندنا.. ناس شرق .. اللي إذا جاهم الضيف يهبون له .. يرحبون
 به ما يتنحجون له مثل الحريم وحتى قوله تفضل استريح ما يقولون له!
 زينة: (تشير بيدها داعية حبيل لمرافقتها فيلبي -دون انتباه الأبوين- الدعوة
 ليختفي الاثنان خلف أحد الأعمدة حيث يظلان هناك لا نشعر بوجودهما إلا في
 حالات قلية حين يظلان برأسيهما من خلف العمود وتوقيت مناسب مع مجريات
 الأحداث).
 سرور: تفضل استريح عمي.

جمعة: (ناهماً) عمك مولاك ! (الخميس) اجلسوا !..جيب قهوة لمرارة الطريق !

خميس : متقهوين ..نريد جواب اول .

جمعة: جواب على أيش؟

خميس : ما قال لك سرور ..؟

جمعة : قال لي .. لكن عندنا أهل غرب هالأمر تنقال راس براس !

خميس : عندنا شرق مانقول الكلمه مرتين ..نريد البنيه !

جمعة: إشله ؟

خميس : نحمل عليها جت ! عندنا شرق البنات ياخذونهم للعرس ..

جمعة : ما عندنه بنات للـ

زينة: (تطل برأسها متوعدة) أوباه !

جمعة: (مرتباكاً) ساعة المباركة .. استريحوا نتفاهم ..

خميس : متفاهمين الدخلة ليلة الخميس .. والزفة عندنا شرق !

جمعة: بيبيب ! (المفردة تستخدم للتعبير عن قمة الاستنكار) .

خميس : عيل ؟ (بمعنى إذن؟)

جمعة: الدخلة ليلة الجمعة .. والزفة عندنا غرب ... عقب مانتفاهم على المهر ..

إذا تفاهمنا !

خميس : ليلة الجمعة ليش ؟

جمعة: سلك البلد الناس عندنا غرب ما يعرسون إلا ليلة الجمعة (باعتماد)

ليلتي !

خميس : (بعناد) الدخلة الخميس .. ليلتي !

جمعة: الجمعة .. ليلتي !

خميس : الخميس إيشقلت ؟

جمعة : ماعندنا بنات للـ

زينة: (تطل ..مقاطعة .. متوعدة) أوباه !

جمعة: الجمعة وما.....

سرور : عمي .. عمامي ليش ما تخلونها السبت وتخلصون لا خميس ولا

جمعة؟

جمعة: صار .. عبيدهم أفهم منهم !

خميس : (لسرور) أنت ياللي ما تستحي معانه أو معاهم .. كلش..كلش .. خلها

الأربعاء!

جمعة: لا الأربعاء عبارة الخميس ..أقرب ليلتك ما سوينه شيء !

خميس : والسبت عبارة الجمعة .. أقرب ليلتك ماسوينا شيء !

خميس : مصر الزفة تكون أقرب ليلتك؟

جمعه : معلوم !

خميس : صار خلها الخميس .. الخميس أقرب شيء للجمعة !

جمعة: صار .. لا.. لا.. لا..لا..

سرور : عمامي خلوها الاثنين وخلصوا !

جمعة: صار .. عبيدهم أفهم منهم !

خميس: (يهرش لحيته متفكراً) الخميس الجمعة السبت الأحد ..أربعة أيام..

الجمعة السبت الأحد ثلاثة أيام ..لا..لا..لا الاثنين أقرب ليلته !

سرور: عمى ليش ما تحسبها جزيه من الجمعة إلى الأحد ثلاثة أيام ومن الثلاثاء

إلى الخميس ثلاثة أيام والاثنين في الوسط !

خميس : صار ...عبيدكم أهل غرب أفهم منكم .. إشقلت؟

جمعة: (متفكراً) يعني ..لا باس .. بس الزفة عندنا غرب ...

خميس : (مستخفاً) بييب !

سرور: عمامي سووها شمال ، مضرب الهواء ، وخلصوا !

جمعة: صار !

خميس : صار (لابنه) يا الله يا وليد نمشي .. الوعد شمال ليلة الاثنين .

جمعة: أين ..أين . والمهر؟

خميس: إيش فيه؟

جمعة: ما تفاهمنا عليه.

خميس: متفاهمين !

جمعة: متى تفاهمنا ؟

خميس: لاتسوي نفسك غشيم نصفني النية .. هذا مهركم !

جمعة: (مستخفاً) بيبيبي !

خميس: إيش تبي أكثر .. مو أحسن من كل يوم والثاني ضرب ومضارب على

العين (يقترب منه ويحدثه بشيء من الود) فكر في الموضوع عدل .. بكره إذا

تزوجوا العيال واختلط الدم بالدم بيختلط المال بالمال ...

جمعة: صح.

خميس: وبيصير الحلال واحد.

جمعة: صحيح.

خميس: والعين مالتنه بتصير عبارة لكم والنخل ...

جمعة: أي عين ؟

خميس: عذارى !

جمعة: ليش عذارى لكم ؟

خميس: معلوم عيل لكم ؟

جمعة: تقريباً !

خميس: تقريباً إشلون يعني؟

جمعة: يعني عذارى في الأصل ينبوع ماي ظهر في أرض حجي سلمان والريال

مات وورثه لبنته عذارى ووصاها يكون ماي ينبوع سبيل لكل .. عدل ؟ لويتدعون

إن أرض عذارى لكم .. مثل ما ادعيتوا على أرض أم شعوم ؟

خميس: لا .. بس لا تنسى أن أرض عذارى وأراضينه لصيق من جهة الشرق ..

لذلك إحنه أولى بمائها من الغريب !

جمعة: (مستخفاً) بيبيبي .. إحنه بعد أرض عذارى لصيق لأراضينا من جهة

الغرب أو تنكر ؟

خميس : لا ما أنكر .. بس لا تنسه أن أرض عذارى متكندرة (بمعنى مائلة)
صوبنا والمائي اللي يطلع منها يسبح علينا !
جمعة: بيب من قال لك .. متكندرة صوبنا وروح شوف بعينك .
خميس: هذا متى عاد ؟ عقب ما شلتوا الحصاة العوده وكندرتوها بالقوة .. وعلى
فكرة رجعوا الحصاة مكانها أحسن لكم !
جمعة: إذا إنتوا رجعتوا العدامة (مرتفع ترابي) اللي شلتوها العام الماضي من
جهة الشرق .. لأن شيلتها هي اللي كندرت الأرض صوبكم وإلا هي من أصل
متكندره صوبنه !
خميس: والأخير يعني ؟
جمعة: الأخير عذارى ليه !
خميس : إذا بالعناد عذارى ليه وتندك !
جمعة: (شاهراً بندقيته) ليه وتندك أنت .. سويتوا العام فينا سوايا .. السنه ما
نخليكم .. يسيل الدم للبلعوم .. إيشقلت ؟
خميس: أقول نتفاهم .. نتقاسمها نصفها لنا ونصفها لكم !
جمعة: صار !
خميس: (متفكراً) بس .. إذا اخذتوا النصف واحنه أخذنا النصف .. أهل
شمال إيش يسوون ؟
جمعة: أهل شمال .. خلهم عليه .. بنعطيهم من مائنا .. ربعنا وبننتفاهم معاهم .
خميس: من قال ؟
جمعة: من قال إيش ؟
خميس: من قال أهل شمال ربعكم ؟
جمعة: عيل ربعكم ؟
خميس : معلوم ربعنه وإلا كيف وافقت أنا أن الزفه تصير شمال !
جمعة: بيب .. أهل شمال ربعنا وتندك .. لو مو ربعنا أوافق تصير الزفه
عندهم ؟

خميس: (ملوحاً بعكازه) ربعنا وأنت اللي تندك على راسك .. إيشقلت؟

جمعة: أقول نتقاسمهم .. نصفهم لكم ونصفهم لنا!

خميس: صار!

جمعة: بس ...

خميس: بس شنو؟

جمعة: كيف تاخذون نصف الماي ومن قبل ماخذين أم شعوم وأنتو راس مالكم

مزرعتين .. وإحنه لنا نصف عذارى بس وعندنا ثلاث مزارع غير الدالية اللي شمالي

بيت عذارى .. غير الـ...

خميس: ليش الدالية اللي شمالي عذارى لكم؟

جمعة: معلوم .. إن شاء الله بتقول الدالية لكم .

خميس: معلوم لنا ما من خلاف حول الموضوع !

جمعة: الدالية؟

خميس: إيه الدالية.

جمعة: الدالية .. الدالية؟

خميس: إيه الدالية .. الدالية .

جمعة: الدالية .. الدالية .. الدالية؟

خميس: إيه .. الدالية .. الدالية .. الدالية .

جمعة: الدالية لكم؟

خميس: معلوم لنا أكلمك لاوندي .

جمعة: بييب .. عيل إحنه إيش له شمال غربي العين؟

خميس: شمال غربي العين لكم الشمس ... (صمت) لين إغربت؟ ولا تقول

نتقاسمها . ترى تنازلت لك وايد .. الشمس لنا من تشرق إلى أن تغرب !

جمعة: الشمس؟

خميس: إيه الشمس لو بتدعون عليها بعد؟

جمعة: وليش الشمس لكم؟

خميس: إحنه شنو اسمنا؟
جمعة: أهل شرق؟
خميس: والشمس من وين تشرق؟
جمعة: من شرق!
خميس: عليك نور.. يعني من عندنا.
جمعة: بس تغرب عندنه!
خميس: ما هنا خلاف كلمة الحق تنقال نظروها تغرب وأخذوها .. جودوها
عندكم لاتخلونها تشرق يوم ثاني .. إشقلت؟
جمعة: أقول الشمس لكم .. (بحسم) بس القمر لا.. ولا يكون تقول نتقاسمه!
خميس: (متفكراً) القمر .. القمر .. القمر .. حلال عليكم .. شفت إشلون كل
شئ بالتفاهم يصير ... فايش جوابك النهائي الحين؟
جمعة: بشأن؟
خميس: بشأن عرس العيال!
جمعة: نتفاهم!
خميس: تفاهمنا!
جمعة: تفاهمنا على الزفة والدخلة باقي المهر!
خميس: تفاهمنا عليه وقلنا إذا عرسوا العيال واختلط الدم بالدم .. بيتختلط المال
بالمال، ويبصير الحلال، واحد، والعين مالتنا بتصير عبارة مالتكم و ...
جمعة: (مقاطعاً) أي عين؟
خميس: عذاري!
جمعة: ليش .. عذاري لكم؟
خميس: معلوم لنا!
جمعة: عذاري؟
خميس: إيه عذاري .
جمعة: عذاري .. عذاري؟

خميس: إيه عذاري... عذاري .

جمعة: عذاري.. عذاري .. عذاري ؟

خميس: إيه عذاري ... عذاري... عذاري... أكلمك سواحلي أنا ؟

جمعة: ييبيب !... على هالحسبة الشمس بعد بتردون تاخذونها ؟

خميس: ليش الشمس متى صارت لكم ؟

جمعة: من إشوي متفاهمين !

خميس: تدري عاد .. الحجي ضايع معاكم .. بغينا نصفى النية ونخلط الدم بالدم، والحلال بالحلال.. لكن الظاهر مصرين لازم يسيل بيننا الدم للبلعوم (لابنه) قوم نمشي يا حبيب بنات شرق تارسين الديره ... (مهدهداً) من بكره حفروا لكم عين بروحكم ! إمش يا حبيب !

سرور: صل على النبي .. صل على النبي عمي .. كل شيء بالتفاهم يصير.

خميس: قول سمعني .. ليت نواخذه شرق عنهم نصف مفهومية عبيدهم !

جمعة: سروره .. إطلع من بيتي أنت حر لوجه الله !

سرور: (فجأة ينفجر ضاحكاً ضحكاً هستيرياً).

خميس: علامكم أهل غرب عبيدكم ما تعرف قلبتهم من عدلتهم ؟

جمعة: (لسرور) إطلع من بيتي !

سرور: (يواصل ضحكته حتى يسقط على الأرض).

خميس: إش هالسنع .. عندنا شرق العبد ما تطلع ضروسه جدام عمه .. وإهنا العبيد تقابل عمامها بـ ..!

جمعة: إيش عليه تضحك ماتقول ؟

سرور: (مغالباً ضحكته) عليك عمي !

خميس: أفا .. عندنا شرق لو يضحك العبد على عمه ..

سرور: وعليك عمي ..

خميس: عن الغلط !

سرور : الغلط اللي أنتوا قاعدين تسوونه .. يعني في ذمتك عمي إذا أنت هالكشر

متشوق تسيل دم عمي خميس.. وهالكثير متشوق تستحوذ على العين، وتخلي زرعه يموت .. ليش انقذته من أزمته .. ليش من سمعت يدللون على أرضه وبيته جيت تركض بعشرين ألف روبية تتركهم عند بابيه وتروح .. عشرين ألف روبية هي راس مالك تعطيه إياه وتجي بعد شهر تبي تخطب لولدك بيزه ما عندك !
خميس: (مرتبكاً) تخسي أنه أمد يدي لـ

سرور: لاتنكر .. عقب ما خلّيت الفلوس وشردت لحقتك أبي أعرف من فاعل الخير هالمجنن وعرفتك !

خميس: (يشيح بوجهه جانباً لكانه يداري خجله من فعلة نكراء ويتمتم بصوت خفيض) كذاب .. كذاب .. كذاب.

جمعة: إش هالحجي ... إش هالحجي جنيت يا سرور أهل شرق عندهم نخوة ...

سرور: وأنت بعد عمي .. إذا هالكثير تكره أهل شرق ليش رحت تسري على بيت عمي خميس في الليل مثل الحرامي علشان تخلي فلوس أنت في أمس الحاجة لها تحت راسه لما سمعت عماله خذلوه آخر الموسم لأنه ماعنده فلوس يدفع رواتبهم وأن محاصيل مزارعه كلها مهددة بالدمار !

(جمعة وخميس يتلملان أثناء حديث سرور ويسترقان نظرات خجلى بعضهما إلى بعض ، فيبدوان كمدعي البطولة عند افتضاح أمرهم).

جمعة: (كالمطعون في كرامته .. ينفجر بمجرد انتهاء سرور لينفي التهمة عنه بارتباك ، متجنباً النظر في عيني خميس!) كـ... كـ... كذب .. أنا ما ... ما ... كذب أهل شرق ما أحبههم .. ما أواطنهم في عيشة الله !

خميس: (ثائراً لكرامته) والله أنه اللي مول ميت عليكم أهل غرب .

جمعة: (ببراءة طفلية) إذن ليش جبت لي فلوس خليتهم عند بابي ؟

خميس: أنه .. ما.. ما .. أنت ليش تسحلبت علي وخليت لي فلوس عند راسي إذا كنت ما تحبني ؟

جمعة: (وهو يتوجه نحوه) أنه أحبك !

خميس: (يتجه نحوه) معلوم ، عيل أنه أحبك ؟
جمعة: (يوصل تقدمه) معلوم عيل أنه أحبك .. أنه ما أوطنك موليه !
خميس: وأنه أكرهك كره الموت .
جمعة: (يصل بمواجهته.. ويرفع يده مهدداً) وأنا ودي أقتلك وأشرب دمك !
خميس: (يمسك بكلتا يديه بثوب جمعة ..عند الصدر ويهزه وهو يردد بوتيرة متصاعدة) وأنا ودي أحنقك ..أحنقك ..أحنقك ..أحنقك !
(الاثنان يجدان نفسيهما متعاقبين بصورة عفوية .. ويطول عناقهما بعض الشيء ..
قبل أن يبدأ الحوار التالي وهما متعاقبين)
جمعة: (بصوت متهدج) إنتوا ليش أهل شرق عنودين جزيه .. إحنه نحبك !
خميس: إنتوا الله يهداكم إلا كله راكين راسكم .. والله إحنه نودكم !
(ينتحب)..
جمعة: (يشده إليه أكثر .. ويقول بصوت متهدج) عيب الرجال عندنه غرب ما
يبكون !
خميس: (من خلال نحيبه) عندنه شرق الفرحة تبكي العود والصغير ..!
جمعة: لما كنت صغير .. ماكنت تبكي أبداً مهما ضربك أبوي .
خميس: كنت أخاف أطيح من عينك ! .. بس بعدين كنت أروح العين أبكي
بروحي !
جمعة: أدري !
خميس: إيش .. دراك ؟
جمعة: كنت الحقك العين بدون ما تحس .. وأنخش في الساب أبكي، لما أشوفك
تبجي !
خميس: وlish كنت تبكي ؟
جمعة: لأن...لأن...لأنني أحبك !
خميس: ما قط قلت لي !!
جمعة: كنت أخاف أطيح من عينك !

خميس : (متنهذاً بحرقه) .
جمعة : تبي تقول شئ ؟
خميس : إيه .. لا .. إيه .. كنت أبي أقول إيش جوابك ؟
جمعة : بشأن ؟
خميس : بشأن العيال ؟
جمعة : نتفاهم .
خميس : متفاهمين !
جمعة : تفاهمنه على الدخلة والزفة باقي المهر !
خميس : تفاهمنه، وافقنه نصفي النية، ونخلط الدم بالدم، والمال بالمال، ويصير
الحلال واحد، ونرجع لأصلنا خميس وجمعة عيال حجي حسن الشهركاني،
وتصبح العين ما لتنا عبارة لكم و....
جمعة : (يطلقه) أي عين ؟
خميس : عذاري ، ما غيرها ؟
جمعة : ليش عذاري لكم ؟
خميس : لا طبعاً لنا .. ولكم ، إن شاء الله بتدعون عليها !
جمعة : لا لنا ولكم متفقين !
خميس : إذن وعدنا الاثنين ؟
جمعة : خلها السبت .
خميس : الأربعاء أحسن .
جمعة : تدري .. خلها الجمعة مثل الناس .
خميس : الخميس أحسن .. الناس تسهر الليل .. الجمعة عندهم راحه .. الجمعة
الله خلقه .. للتنبلة !
جمعة : تدري عاد .. خله مثل أول .. الاثنين عن لا نختلف .
خميس : اللي يريحك ما من خلاف ! (يحك خلف رقبتة) تصدق من صبح .. من
طلعتي من شرق ها لكروص متعبك بي (بمعنى ملازماً لي) .. ولا يحوشونك

كرا ريصنه .. غصتهم سم !
 جمعة : اسم من كرا ريصنه ؟
 خميس : معلوم .. في ألغن من قرا ريص عذاري بعد .
 جمعة : إيه قول جذيه .. تقول كرا ريصنه ؟
 خميس : هوو .. إياه !! (بمعنى نفس الشيء) .
 جمعة : من قال ؟
 خميس : من قال شنو ؟
 جمعه : أن قرا ريص عذاري لكم .
 خميس : معلوم .. عيل لكم .
 جمعة : لا .. بس على جذيه عذاري تصير لكم .
 خميس : معلوم .. أحد قال غير هالحجي ؟
 جمعة : معلوم !
 خميس : من ؟
 جمعة : أنا !
 خميس : ان شاء الله بتقول لكم .
 جمعة : معلوم .. لا يغامرك شك .
 خميس : بييب .. صبح ما تنعطون وجه أهل غرب (لابنه) يا حبيل قم أبوي
 الحقني بنات شرق تارسين الديره !
 جمعة : وإنتي يا بنيتي قومي .. في ألف من يتمناك من شباب غرب !
 حبيل وزينة : (يطلان بوجهيهما من خلف العمود ويقولان بصوت واحد وهما
 يقذفان الأبوين بملا بسهما) بيبيبيبيبي !!

النهاية

مسرح الأول

على مسرح الجفيرة

يقدم مسرحيين
في سرية واحدة
من تأليف:
عقيل سوار

أفيا عبيد

إخراج: عبد الله ملك

خميس وجمعة

إخراج: إبراهيم خلتان

إبتداء من الاثنين ٢٦ يونيو ٨٩ والأيام
التالية

٧٢٩٥٨١/ت

الساعة ٨ مساءً

كلمة اللجنة الثقافية

نحن دائماً معكم جمهورنا الحبيب. أنت الهادئ الذي يورثنا ويملأ القاعة. أنت الهدف والمعنى. الجمهور هو رابع الحلق فنياً ونحن نستعرض الصيغ المسرحية التي نود من خلالها أن نعمل إليه. أن نصل إلى صيغة ترضي هذا الجمهور وترضيها أيضاً ونحن بين إرشاد طموحاتنا الفنية والفكرية، وبين المسألة من العروض المسرحية نواجهه الكثير من الأسئلة.. والسؤال الذي يطرح دائماً ما الذي يسرني المساعدة الكبرى من الجمهور؟

سأنا نقدم لهذا الجمهور حتى يظل معاً على أرض صلبة وترتفع جميعاً كل أنواع الزيف. ومن ثم نحاول معاً أيضاً أن نتجاوز المسألة من العروض المسرحية، ونصل إلى صيغ مسرحية أكثر تقدماً ووعياً وفرحاً للأسئلة لقد تجاوزنا كثيراً وبدأنا خطوات جديدة.. ابتداء من بئس الموضة وصولاً إلى هاتين المسرحيتين الفايعين. وعلميس وجمعة أعلن أن تكون خطواتنا موفقة. نرجو أن يتواصل لقاءنا بكم دائماً. متمنين لكم في هذه الليلة سهرة موفقة.

كلمة المؤلف والمحررين

أعزائي القراء ..

لو استطعنا أن نهديكم لكم الشمس لعلنا
... لكننا والحالة هذه ، لا نعد بأقل من
محاولة إختصار المسافة (

تحياتكم مستوا

سيد الطاهر بلك

أبراهيم غلطان

الممثلون

« إلفا وإمبيد »

الممثلون حسب الظهور :

احمد غيمسي	في دور	عناقر
سالم سلطان	في دور	عبيد
سناء بولس	في دور	الزوجة ماجدة
حسن الوائلي	في دور	الزوج سعد
مبارك خميس	في دور	العمالور
محمد المسافيجي	في دور	خسطن
عبدالهادي عيسى		

« خميس وجمعة »

عبدالله يوسف	في دور	خميس
ابراهيم بحر	في دور	جمعة
عبدالله حميد	في دور	حنبل
امينة علي	في دور	ريمّة
سالم رجب	في دور	سرور

الفنيون

مصمم الديكور : عياد يوسف
تفليذ الديكور : ورشة تفريون كيريل
باشــــراق : راشد عبد الرحمن
مهندس الديكور : سمور مرووق * جاسم حسن
حسن مريكات * حسين عبدالنبي
جعفر العايب

الإكسسوار : محمد عبدالخالق
إدارة الإنتاج : علي الشراوي * جاسم شريف
الجنة الإعلامية : محمود الملا * عبدالنبي حميد
إدارة الحركة : محمد السماهيني * الله يا عبيد
إدارة الحركة : عبدالنبي محمد السلطان * خميس وجمعة
تصميم القليب : محمود الملا
تفليذ القليب : موسى حسن
تصميم المصنق : عياد يوسف
الكـــــــراج : عزيز ملدي * ياسر سيف
الصـــــــوت : مسنن محمود * علي السيد
الإشـــــــارة : احمد عيد * محمد زيم

















